



অবিলম্বে প্রকাশের উদ্দেশ্যে: 10/17/2023

গভর্নর ক্যাথি হোকল

গভর্নর হোকল ইসরায়েলের সাথে সংহতি জানাতে গভর্নরদের দ্বিপক্ষীয় জোটের
নেতৃত্ব দেন

হামাসের সন্ত্রাসী হামলার নিন্দা জানাতে এবং ইসরায়েলি জনগণকে সমর্থন জানাতে
গভর্নর হোকল 17টি স্টেটের নেতাদের আহ্বান জানিয়েছেন

গভর্নরগণ আমেরিকানদের নিরাপদ প্রত্যাবর্তন নিশ্চিত করতে স্টেট ডিপার্টমেন্টের
সাথে কাজ করা চালিয়ে যাবেন

গভর্নর হোকল এই সপ্তাহে ইসরায়েলে গিয়ে কূটনৈতিক নেতৃত্বদ্বন্দ এবং কমিউনিটির
সাথে দেখা করার পরিকল্পনা করছেন, যারা হামলায় বিধ্বস্ত হয়েছে

চিঠিটি এখানে দেখা যাবে

গভর্নর ক্যাথি হোকল ইসরায়েলের সাথে সংহতি প্রকাশের জন্য 17 জন গভর্নরের একটি
দ্বিপক্ষীয় জোটের নেতৃত্ব দিয়েছিলেন, ইসরায়েলের প্রতি ব্যাপক সমর্থন এবং হামাসের সন্ত্রাসী
হামলার নিন্দা জানাতে ফেডারেল নেতাদের একটি যৌথ চিঠি জারি করেছিলেন। গভর্নরগণ
আমেরিকানদের নিরাপদ প্রত্যাবাসন নিশ্চিত করতে মার্কিন পররাষ্ট্র মন্ত্রণালয়ের সাথে কাজ
করার প্রতিশ্রুতি পুনর্ব্যক্ত করেন।

"আমেরিকা ও ইসরায়েলের মধ্যে বন্ধন এখন এবং চিরকালের জন্য অটুট," **গভর্নর হোকল
বলেন।** "ইসরায়েলের বাইরে বৃহত্তম ইহুদি জনসংখ্যার গভর্নর হিসাবে, আমি স্বীকার করি যে এই
সংকটময় মুহূর্তে ইসরায়েলকে সমর্থন করার জন্য আমাদের একটি অনন্য এবং গুরুতর দায়িত্ব
রয়েছে। ইসরায়েলের প্রতি আমাদের সমর্থন প্রদর্শনের জন্য আমার সহকর্মী গভর্নরদের পাশে
দাঁড়াতে পেরে আমি গর্বিত এবং আমার সহকর্মীদের সাহসী নৈতিক নেতৃত্বের জন্য কৃতজ্ঞ।"

হামাসের সন্ত্রাসী হামলার প্রেক্ষাপটে ইসরায়েলের জনগণের প্রতি সংহতি প্রকাশের জন্য গভর্নর
হোকলের দ্বিপক্ষীয় চিঠিটি সর্বশেষ পদক্ষেপ। এছাড়াও হামাসের ভয়াবহ হামলায় বিধ্বস্ত
কূটনৈতিক নেতা ও কমিউনিটির সঙ্গে দেখা করতে চলতি সপ্তাহে ইসরায়েল সফরের পরিকল্পনা
করছেন গভর্নর।

গভর্নর হোকল ইসরায়েলের সংকট মোকাবেলায় নিউ ইয়র্কের প্রতিক্রিয়ার নেতৃত্ব দিয়েছেন, [ইসরায়েলের](#) রাষ্ট্রপতি আইজ্যাক হারজোগকে সমর্থনের প্রস্তাব দিয়েছেন এবং [জাতিসংঘে](#) ইসরায়েলের রাষ্ট্রদূত গিলাদ এরদানের সাথে বৈঠক করেছেন। তিনি [অ্যালবানি](#) থেকে [নিউ ইয়র্ক সিটি](#) পর্যন্ত ইসরায়েল রাষ্ট্রের সমর্থনে একাধিক মিছিল এবং সমাবেশে অংশ নিয়েছেন। গভর্নর নীল ও সাদা রঙে, ইসরায়েলের পতাকার রঙে, রাষ্ট্রীয় ল্যান্ডমার্কগুলো [আলোকিত](#) করেছেন, [অ্যালবানিতে](#) গভর্নরের বাসভবনের উপরে ইসরায়েলি পতাকা উত্তোলন করেছেন এবং হামাস সন্ত্রাসী হামলায় নিহতদের স্মরণে রাষ্ট্রীয় ভবনগুলোতে পতাকা অর্ধনমিত রাখার [নির্দেশ](#) দিয়েছেন।

চিঠির সম্পূর্ণ পাঠ্য নিচে দেওয়া হলো:

প্রিয় স্পিকার ম্যাকহেনরি, নেতা শুমার, নেতা জেফ্রিস এবং নেতা ম্যাককনেনল:

144,000,000-এরও বেশি আমেরিকানদের প্রতিনিধিত্বকারী গভর্নর হিসাবে, আমরা ইসরায়েলের সাথে আছি এবং শনিবার, 7 অক্টোবর, 2023 তারিখে হামাস কর্তৃক সংঘটিত ঘৃণ্য যুদ্ধ ও সন্ত্রাসের নিন্দা জানাই, যা ইতোমধ্যে ইসরায়েলে শত শত নিরীহ মানুষের প্রাণ কেড়ে নিয়েছে। এই প্রাথমিক হামলার পর থেকে, আমরা আমাদের কমিউনিটির সদস্যদের সাথে শোক ও প্রার্থনা করার জন্য যোগ দিয়েছি, এবং আমরা প্রত্যক্ষভাবে অনুভব করেছি যে এই ভয়ঙ্কর খারাপ কাজটি অনেকের উপর গভীর মানসিক আঘাত করেছে। আমরা এটাও জানি যে এই সহিংসতার ফলে ইতোমধ্যে বেশ কয়েকজন আমেরিকান নিহত হয়েছে বলে নিশ্চিত করা হয়েছে, এবং আমরা জানি যে সামনের দিনগুলোতে এই সংখ্যা আরো বাড়তে পারে।

জিস্মিদের নিরাপদ প্রত্যাবর্তন এবং জনগণের চলমান নিরাপত্তা নিশ্চিত করার প্রচেষ্টায় ইসরায়েলের সমর্থনে আমরা ঐক্যবদ্ধ। ইসরায়েলকে সামরিক সহায়তা বাড়ানোর ক্ষেত্রে দ্রুত সাড়া দেওয়ার জন্য আমরা প্রেসিডেন্ট বাইডেন এবং ইসরায়েলের প্রতি তাদের দৃঢ় সমর্থনের জন্য উভয় পক্ষের কংগ্রেস সদস্যদের প্রশংসা করি। আমরা আগামী সপ্তাহ ও মাসগুলোতে ইসরায়েলকে তাৎক্ষণিক ও অব্যাহত মার্কিন যুক্তরাষ্ট্রের সহায়তা দেয়ার আহ্বান জানাচ্ছি। ইসরায়েল, মিশর, লেবানন, ওমান এবং কুয়েতের রাষ্ট্রদূতের ভূমিকাসহ এই অঞ্চলের গুরুত্বপূর্ণ কূটনৈতিক পদে মনোনীতদের দ্রুত নিশ্চিত করার পাশাপাশি আমাদের সবচেয়ে অভিজ্ঞ নেতারা যাতে আমাদের জাতীয় প্রতিরক্ষার জন্য সবচেয়ে গুরুত্বপূর্ণ পদে অধিষ্ঠিত হন তা নিশ্চিত করার জন্য সমস্ত মূলতুবি সামরিক মনোনয়ন এবং পদোন্নতি বিবেচনা করে এগিয়ে যাওয়ার জন্য আমরা সিনেটের প্রতি আহ্বান জানাচ্ছি।

ইহুদি কমিউনিটি এবং ইহুদি উপাসনালয়ে নিরাপত্তা বাড়ানোর জন্য আমরা প্রত্যেকে নিজ নিজ স্টেটে পদক্ষেপ নিয়েছি। এই উদ্বেগগুলো এবং দেশজুড়ে ইহুদি বিদ্বেষের উত্থানের পরিপ্রেক্ষিতে, কংগ্রেসের উচিত স্টেট এবং স্থানীয় সরকারগুলোকে উপাসনালয়গুলো সুরক্ষিত করার জন্য রিসোর্স নিশ্চিত করার জন্য ক্রিয়াকলাপ এবং প্রোগ্রামগুলোকে সহায়তা করার জন্য তহবিল নিশ্চিত করা এবং ধর্মীয়-অনুমোদিত গোষ্ঠীগুলো বাড়িতে ইহুদি বিদ্বেষের বিরুদ্ধে লড়াই করার জন্য উপলভ্য। সম্ভাব্য অভ্যন্তরীণ হুমকি রক্ষণাবেক্ষণ এবং প্রয়োজন অনুযায়ী কমিউনিটির নেতাদের সহায়তা প্রদানের জন্য আমরা ফেডারেল, স্টেট এবং স্থানীয় আইন প্রয়োগকারী সংস্থার সাথে কাজ চালিয়ে যাব।

আমরা ইসরায়েলকে অতিরিক্ত সহায়তা দিতে এবং ইসরায়েলে আমেরিকানদের নিরাপদ
প্রত্যাগমন নিশ্চিত করতে মার্কিন পররাষ্ট্র দফতরের সাথে কাজ করতে প্রস্তুত। যারা মৃত্যুবরণ
করেছেন, যারা তাদের প্রিয়জনদের হারিয়েছেন, ইসরায়েলের জনগণ এবং বিশ্বব্যাপী ইহুদি
কমিউনিটির জন্য আমাদের প্রার্থনা।

বিনীত,

গভর্নর ক্যাথি হোকল, নিউ ইয়র্ক স্টেট

গভর্নর গ্যাভিন নিউসম, ক্যালিফোর্নিয়া স্টেট

গভর্নর জ্যারেড পলিস, কলোরাডো স্টেট

গভর্নর নেড ল্যামন্ট, কানেকটিকাট স্টেট

গভর্নর জন কার্নি, ডেলাওয়্যার স্টেট

গভর্নর জেবি প্রিটজকার, ইলিনয় স্টেট

গভর্নর লরা কেলি, কানসাস স্টেট

গভর্নর ওয়েস মুর, মেরিল্যান্ড স্টেট

গভর্নর মাউরা হিলি, ম্যাসাচুসেটস স্টেট

গভর্নর টিম ওয়ালজ, মিনেসোটা স্টেট

গভর্নর ফিল মারফি, নিউ জার্সি স্টেট

গভর্নর মিশেল লুজান গ্রিশাম, নিউ মেক্সিকো স্টেট

গভর্নর রয় কুপার, উত্তর ক্যারোলিনা স্টেট

গভর্নর জোশ শাপিরো, পেনসিলভেনিয়া স্টেট

গভর্নর ড্যান ম্যাকি, রোড আইল্যান্ড স্টেট

গভর্নর স্পেন্সার কক্স, ইউটা স্টেট

গভর্নর ফিল স্কট, ভার্মন্ট স্টেট

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418